



Broj: X-K/07/436-1

Sarajevo, 17.03.2009. godine

U IME BOSNE I HERCEGOVINE

Sud Bosne i Hercegovine, u vijeću sastavljenom od sudija Mirze Jusufovića kao predsjednika vijeća, Hasije Mašović i Nenada Šelede kao članova vijeća uz sudjelovanje pravnog saradnika Bojana Avramovića u krivičnom predmetu protiv optuženog Alibašić Salih i dr., zbog krivičnog djela organizovanog kriminala iz člana 250. Krivičnog zakona Bosne i Hercegovine (u daljem tekstu: KZ BiH), u vezi sa krivičnim djelom krijumčarenje osoba iz člana 189. stav 1. KZ BiH i dr, povodom optužnice Tužilaštva Bosne i Hercegovine broj: KT-341/06 od 19.03.2008. godine, po održanom pretresu za razmatranje sporazuma o priznanju krivnje i izricanje krivičnopravne sankcije, u prisustvu tužioca Tužilaštva Bosne i Hercegovine Ismeta Šuškića, optuženog Mile Gašljevića i njegovog branioca Alena Nakića, advokata iz Sarajeva, donio je i javno objavio, dana 17.03.2009. godine, slijedeću:

PRESUDU

OPTUŽENI:

MILE GAŠLJEVIĆ, sin Luke i majke Zorke, djevojačko Rukavina, rođen 25.07.1956. godine u mjestu Čavnik općina Bihać, sa prebivalištem u mjestu ..., sa završenih 8 razreda osnovne škole, po zanimanju zemljoradnik, razveden, otac 2 djece, po nacionalnosti ..., državljanin ..., više puta prijavljivan za razna KD, **osuđivan...**, ...i..., nalazi se u pritvoru po rješenju Suda BiH br. X KRN – 07/436 od 28.09.2007. godine.

KRIV JE

što je:

U vremenskom periodu od kraja 2006. godine, do kraja aprila 2007. godine, te u periodu od 04.06.2007. do 26.09.2007. godine, zajedno sa više drugih osoba postao pripadnikom organizovane grupe, koju je organizovao Alibašić Salih zv. „Šeki“ radi pribavljanja imovinske koristi – iz koristoljublja, ilegalnim prebacivanjem imigranata (u daljem tekstu migranti) iz Albanije preko teritorija R Makedonije, Kosova, C. Gore i BiH, Hrvatske i Slovenije, u zemlje Evropske unije, bez ispunjavanja uslova za zakonit ulazak i zakonit boravak migranata u državama u koje dolaze i u državama u koje žele otići, a koja grupa se organizovano bavila nedozvoljenim prebacivanjem stranih državljanina preko državnih granica više zemalja na način da su državnu granicu prelazili na

mjestima koja nisu predviđena za prelazak državne granice, odnosno gdje je zabranjen prelazak državne granice, sa unaprijed utvrđenim i dogovorenim ulogama članova grupe u krijumčarskom lancu, te u navedenom vremenskom periodu prokrijumčarila oko 307 državljana Albanije i Kosova – ilegalnih migranata, po kom osnovu je od strane zločinačke organizacije ostvarena finansijska korist velike vrijednosti, pa je tako i Gašljević Milo zajedničkim djelovanjem sa ostalim članovima grupe Vlašić Valerijom, Rekić Sadetom, Hozanović Đulzarom, Karanović Željkom, Zuko Lejlom i drugim njemu poznatim licima, međusobno dogovorenim i povezanim radnjama, protivno Konvenciji ujedinjenih naroda protiv transnacionalnog organizovanog kriminala, protivno čl. 6. Protokola, protiv krijumčarenja imigranata, kopnenim, morskim i vazdušnim putem i protivno propisu čl. 10. i protivno propisima drugih članova Zakona o kretanju i boravku stranaca u azilu (Sl.glasnik BiH br. 29/03 i 4/04) prebacivao ilegalne imigrante tako što je

1.Dana 12/13 juni 2007. godine u vremenu od 22,00 do 03 sati u cilju pribavljanja finansijske koristi, nakon što je Alibašić Salih zv. „Šeki“ organizovao ilegalno prebacivanje 6 ilegalnih migranata preko C. Gore u BiH do Bihaća, u mjesto Čavnik općina Bihać, od Rekić Sadeta preuzeo ilegalne emigrante, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih je potom preuzeo prikriveni istražitelj broj 1 i prevezao do Rijeke, predio Grobnik u R. H. s ciljem daljeg prebacivanja prema R. Sloveniji i dalje,

2.Dana 15/16 juni 2007. godine u vremenu od 22,00 do 03 sata u cilju pribavljanja finansijske koristi, nakon što je Salih Alibašić, organizovao ilegalno prebacivanje 4 ilegalna migranta preko C. Gore u BiH do Bihaća, , od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih je potom preuzeo prikriveni istražitelj broj 1. i prevezao na parkiralište u blizini hotela Panorama u Zagrebu, s ciljem njihovog daljeg prebacivanja u R. Sloveniju.

3.Dana 20/21 juni 2007. godine u vremenu od 22,00 do 03 sata u cilju pribavljanja finansijske koristi, nakon što je Salih Alibašić, organizovao ilegalno prebacivanje 10 ilegalnih migranata preko C. Gore u BiH do Bihaća, , od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih je potom preuzeo prikriveni istražitelj broj 1 i prevezao na parkiralište u blizini hotela „Panorama“ u Zagrebu, koje dana 21.06.2007. godine preuzima Nebojša Jakimovski, s namjerom njihovog daljeg prebacivanja prema Zagrebu, a koji biva zaustavljen u 13,35 sati od strane policijskih službenika MUP R H, gdje su u vozilu zatečena 3 državljana ...Shkeloim Bushi, rođen 26.03.1984. godine, Ardi Mance rođen 19.03.1986. godine i Florijan Zgura rođen 15.12.1986. godine.

4. Dana 24.06.2007. godine je u vremenu od 00,00 do 04,00 sati u cilju pribavljanja finansijske koristi, nakon što je Alibašić Salih zv. „Šeki“, organizovao ilegalno prebacivanje ukupno 8 ilegalnih migranata, od Rekić Sadeta preuzeo ilegalne migrante u mjestu Čavnik, općina Bihać, iste ilegalno pješice preveo preko državne granice i ostavio u mjestu Rešetar, općina Plitvička Jezera, R Hrvatska, gdje ih je potom preuzeo Elvir Kurtović s namjerom njihovog daljeg prebacivanja prema Rijeci, ali koje isti na području mjesta Vrelo, općina Plitvička Jezera, ostavlja u šumi na području mjesta Vrhovine, te isti dana 24.06.2007. godine oko 22,30 sati bivaju otkriveni od strane policijskih službenika MUP RH u osobnim vozilima kojima su upravljali Lidija Jamičić i Grgur Žarak pa je izvršenom kontrolom utvrđeno je da isti u vozilima prevoze po 4 državljana ...i to: Martin Lusha (rođen 28.10.1989. godine), Marius Tosku (rođen 10.02.1990. godine), Zholi Shkelezen (rođen 31.08.1984. godine), Ejron Perndoka (rođen 29.03.1988. godine), Roland Lami (rođen 05.05.1986.godine), Lorenc Tabaku (rođen 22.08.1979. godine), Ismet Metalijaj (rođen 06.05.1972. godine) i Doot Koka (rođen 30.05.1986. godine nakon čega su isti smješteni u prihvatni centar za strance u Ježevu, R Hrvatska.

5. Dana 26.06.2007. godine u vremenu od 01 do 03 sata u cilju pribavljanja finansijske koristi, nakon što je Salih Alibašić organizovao ilegalno prebacivanje 9 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelj broj 1. i prikriveni istražitelj broj 2., od kojih četvoricu ilegalnih migranata prikriveni istražitelj 1. prevozi na parkiralište u blizini hotela Panorama u Zagrebu, a petoricu ilegalnih migranata prikriveni istražitelj prevozi do mjesta Popovec u blizini Sesveta u R H.

6. Dana 28.06.2007. godine u vremenu od 01 do 03 sata u cilju pribavljanja finansijske koristi, nakon što je Salih Alibašić, organizovao ilegalno prebacivanje 10 ilegalna migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. od kojih po petoricu ilegalnih migranata prikriveni istražitelji prevoze na parkiralište hotela „Panorama“ u Zagrebu, s ciljem njihovog daljnjeg ilegalnog prebacivanja u R Sloveniju..

7. Dana 02.07.2007. godine u vremenu od 00,00 do 03 sata u cilju pribavljanja finansijske koristi, nakon što je Salih Alibašić, organizovao ilegalno prebacivanje 8 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. od kojih po četvoricu ilegalnih migranata prikriveni istražitelji prevoze do Rijeke, predio Grobnik, gdje ih ostavljaju s ciljem njihovog daljnjeg prebacivanja.

8. Dana 03.07.2007. godine u vremenu od 01 do 03 sata u cilju pribavljanja finansijske koristi, nakon što je Salih Alibašić organizovao ilegalno prebacivanje 9 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Rijeke, predio Grobnik, gdje ih ostavljaju s ciljem njihovog daljnjeg prebacivanja.

9. Dana 06.07.2007. godine u vremenu od 02 do 04 sata u cilju pribavljanja finansijske koristi, nakon što je Salih Alibašić, organizovao ilegalno prebacivanje 10 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Rijeke, predio Grobnik s ciljem njihovog daljnjeg prebacivanja, a radi se o sljedećim osobama Mborja Ilirian, Legini Gentian , Mehmeti Robert, Lushq Martin, Domi Dritan, Daku Hajri, Gjinaj Almir, Tatani Fatos, Franc Zefi sin Romea i Emilijan Gjini .

10. Dana 10.07.2007. godine u vremenu od 02 do 04 sata u cilju pribavljanja finansijske koristi, nakon što je Salih Alibašić, organizovao prebacivanje 9 ilegalnih, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Rijeke, predio Grobnik, s ciljem njihovog daljnjeg prebacivanja.

11. Dana 17.07.2007. godine u vremenu od 02 do 04 sata u cilju pribavljanja finansijske koristi, nakon što je Salih Alibašić organizovao ilegalno prebacivanje 4 ilegalna migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzima prikriveni istražitelji broj 1. i prevozi do benzinske pumpe „Petrol“ na raskrsnici Selske i Zagorske ulice u Zagrebu, s ciljem njihovog daljnjeg prebacivanja u R. Sloveniju.

12. Dana 24.07.2007. godine u vremenu od 00,2 do 00,4 sata u cilju pribavljanja finansijske koristi, nakon što je Salih Alibašić organizovao ilegalno prebacivanje 4 ilegalna migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do parkirališta u blizini hotela „Panorama“, odnosno benzinske pumpe „Petrol“ u blizini raskrsnice Selske i Zagorske ulice u Zagrebu s ciljem njihovog daljnjeg prebacivanja u R. Sloveniju

13. Dana 27.07.2007. godine u vremenu od 02,00 do 04,00 sati, u cilju pribavljanja finansijske koristi, nakon što je Salih Alibašić organizovao ilegalno prebacivanje 4 ilegalna migranta, od Rekić Sadeta preuzeo ilegalne migrante u

mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzima prikriveni istražitelj broj 2. i prevozi do Rijeke, predio Grobnik, R. Hrvatska s ciljem njihovog daljnjeg prebacivanja u R. Sloveniju.

14. Dana 28.07.2007. godine u vremenu od 02,00 do 04,00 sati u cilju pribavljanja finansijske koristi, nakon što je Salih Alibašić organizovao ilegalno prebacivanje 8 ilegalnih migranata, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Zagreba, odnosno na parkiralište Benzinske pumpe „Petrol“ u blizini raskrsnice Selske i Zagorske ulice u Zagrebu s ciljem njihovog daljnjeg ilegalnog prebacivanja u Republiku Sloveniju.

15. Dana 31.07.2007. godine u vremenu od 02,00 do 04,00 sati u cilju pribavljanja finansijske koristi, nakon što je Salih Alibašić organizovao ilegalno prebacivanje 8 ilegalna migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Zagreba, odnosno na parkiralište Benzinske pumpe „Petrol“ u blizini raskrsnice Selske i Zagorske ulice u Zagrebu s ciljem njihovog daljnjeg ilegalnog prebacivanja u Republiku Sloveniju

16. Dana 02.08.2007. godine u vremenu od 02,00 do 05,00 sati u cilju pribavljanja finansijske koristi nakon što je Salih Alibašić, organizovao prebacivanje ukupno 7 ilegalnih, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze, te ostavljaju u jednoj napuštenoj obiteljskoj kući NN vlasnika, koji su zatečeni od policijskih službenika PU Karlovačke, kojom prilikom je utvrđeno da se radi o državljanima...: Keta Shpat (rođen 18.06.1986. godine, iz...), Brika Sakip (rođen 15. 05.1985. godine, iz...), Biba Faje (rođen 15.06.1990. godine, iz.....), Marku Ermand (rođen 19.08.1990. godine, iz...), Mustafa Renato (rođen 02.11.1992. godine, iz.....), Bogdani Luciano (rođen 04.10.1982. godine, iz.....) i Brika Ahmet (rođen 18.04.1988. godine, iz...,).

17. Dana 17.08.2007. godine u vremenu od 02,00 do 04,00 sati u cilju pribavljanja finansijske koristi, nakon što je Salih Alibašić organizovao ilegalno prebacivanje 9 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Rijeke, predio Grobnik, R. Hrvatska s ciljem njihovog daljnjeg prebacivanja u R. Sloveniju.

18. Dana 22.08.2007. godine u vremenu od 02,00 do 05,00 sati u cilju pribavljanja finansijske koristi, nakon što je Salih Alibašić, organizovao ilegalno prebacivanje 8 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do mjesta Krnjak i ostavljaju u jednoj napuštenoj obiteljskoj kući u blizini spomenika Hrvatskim redarstvenicima, a sve s ciljem njihovog daljeg prebacivanja.

19. Dana 24.08.2007. godine u vremenu od 02,00 do 05,00 sati u cilju pribavljanja finansijske koristi, nakon što je Salih Alibašić organizovao ilegalno prebacivanje 9 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do mjesta Krnjak, te ostavljaju u jednoj napuštenoj obiteljskoj kući u blizini spomenika Hrvatskim redarstvenicima, a sve s ciljem njihovog daljeg prebacivanja.

20. Dana 31.08.2007. godine u vremenu od 02,00 do 04,00 sati u cilju pribavljanja finansijske koristi, nakon što je Salih Alibašić, organizovao ilegalno prebacivanje 10 ilegalnih migranta, od Rekić Sadeta preuzeo ilegalne migrante u mjestu Čavnik općina Bihać, iste ilegalno pješice preveo preko državne granice i ostavio u mjestu Rešetar, općina Plitvička jezera u R Hrvatskoj, gdje ih potom preuzimaju prikriveni istražitelji broj 1. i 2. i prevoze do Rijeke, predio Grobnik, R. Hrvatska s ciljem njihovog daljnjeg prebacivanja u R. Sloveniju.

Dakle,

Optuženi Gašljević Mile, radnjama opisanim u tačkama od 1 do 20 optužnice, postao pripadnikom organizovane grupe ljudi koja je organizovana s ciljem pripremanja, organizovanja i prebacivanja drugih osoba – državljana Albanije i Kosova u druge države čiji imigranti nisu državljani niti stalni stanovnici, bez ispunjavanja propisanih uslova za zakonit ulazak i boravak migranata u drugim državama, radi pribavljanja imovinske koristi – iz koristoljublja, protivno Konvenciji ujedinjenih naroda protiv transnacionalnog organizovanog kriminala, protivno čl. 6. Protokola protiv krijumčarenja imigranata kopnenim, morskim i vazдушnim putem i protivno propisu čl. 10. i protivno propisima drugih članova Zakona o kretanju i boravku stranaca i azilu („Sl.glasnik BiH“, br. 29/03 i 4/04) i kao pripadnik organizovane grupe, lično preveo više lica-ilegalnih migranata preko državne granice BiH sa R Hrvatskom, te tako zajedničkim djelovanjem sa drugim pripadnicima izvršio prebacivanje više osoba-migranata iz Albanije i Kosova u druge države, preko R. Makedonije, C. Gore, BiH, R. Hrvatske, Slovenije i dalje u zemlje Evropske unije.

Čime je počinio:

Krivično djelo organizovani kriminal iz člana 250. stav 4. Krivičnog zakona Bosne i Hercegovine u vezi sa krivičnim djelom krijumčarenje osoba iz člana 189. stav 1. Krivičnog zakona Bosne i Hercegovine, u vezi sa članom 54 KZ BiH.

Pa ga Sud na osnovu člana 250 stav 4. KZ BiH, te uz primjenu članova 39.,42. i 48., KZ BiH

OSUĐUJE
NA KAZNU ZATVORA U TRAJANJU OD 2 (DVIJE) GODINE

Na osnovu člana 56. KZ BiH u izrečenu zatvorsku kaznu optuženom Miletu Gašljeviću, uračunava se vrijeme koje je proveo u pritvoru od 26.09.2007. godine, po rješenju Suda BiH broj:X-KRN-07/436 od 28.09.2007. godine, pa nadalje.

Na osnovu člana 188. stav 4. Zakona o krivičnom postupku BiH, optuženi se oslobađa dužnosti plaćanja troškova krivičnog postupka, te isti padaju na teret budžetskih sredstava suda.

Obrazloženje

Tužilaštvo Bosne i Hercegovine, optužnicom broj: KT-341/06 od 19.03.2008. godine, optužilo je Mileta Gašljevića, za krivično djelo organizovani kriminal iz člana 250. stav 4. Krivičnog zakona Bosne i Hercegovine u vezi sa krivičnim djelom krijumčarenje osoba iz člana 189. stav 1. Krivičnog zakona Bosne i Hercegovine, u vezi sa članom 54 KZ BiH. Optužnica je od strane sudije za prethodno saslušanje ovog Suda potvrđena dana 26.03.2008. godine.

Na glavnom pretresu održanom dana 16.03.2009. godine od strane tužioca sudu je dostavljen sporazum o priznanju krivnje zaključen između optuženog Mileta Gašljevića i njegov branioca Alena Nakića, advokata iz Sarajeva i tužioca Tužilaštva Bosne i Hercegovine, po kome optuženi priznaje krivnju za djelo koje mu je stavljeno na teret, te prihvata da mu se za isto izrekne dogovorena kazna zatvora u trajanju od 2(dvije) godine.

Obzirom na nastalu procesnu situaciju, a u pogledu razdvajanja postupka u odnosu na optuženog Mileta Gašljevića, sud je zatražio izjašnjenja branilaca ostalih optuženih u ovom predmetu. Branioци ostalih optuženih saglasno su izjavili da se ne protive razdvajanju postupka u odnosu na optuženog koji je zaključio sporazum o priznanju krivnje, nakon čega je sud donio rješenje o razdvajanju postupka u odnosu na optuženog Mileta Gašljevića, dajući mu novi broj X-KRN-07/436-1.

Istog dana predmetni sporazum Sud je razmotrio u smislu člana 231. Zakona o krivičnom postupku Bosne i Hercegovine. Navedeni sporazum Sud je prihvatio nakon što je utvrdio da je do zaključenja sporazuma došlo dobrovoljno, svjesno i sa razumijevanjem, da je optuženi upoznat o mogućim posljedicama zaključenja sporazuma o priznanju krivnje, uključujući i posljedice vezane za imovinskopравни zahtjev i troškove krivičnog postupka, te nakon što je Sud utvrdio da postoji dovoljno dokaza o krivnji optuženog.

Naime, optuženi je pred sudom potpuno i nedvosmisleno izjavio da se osjeća krivim za djelo koje im je optužnicom stavljeno na teret, izvršeno na način i u vrijeme naveden u optužnici. Posebno je jasno naglasio da u vrijeme zaključenja sporazuma na njega nije vršen bilo kakav pritisak da zaključi sporazum, te da je u to vrijeme, kao i u vrijeme razmatranja sporazuma o priznanju krivnje potpuno svjesno, svojom voljom, zaključio sporazum i dao izjavu o priznanju krivnje. Sve navedeno, te izgled i ponašanje optuženog na predmetnom ročištu, doveli su sud do uvjerenja da nema nikakve sumnje u pogledu slobodno izražene volje optuženog za zaključenje sporazuma o priznanju krivnje. Prilikom odlučivanja Sud je ocijenio da je optuženi razumio da se sporazumom odriče prava na suđenje i da ne može uložiti žalbu na krivičnopravnu sankciju, koja će mu se izreći. Uz to, optuženi je pregovarao o krivnji sa Tužilaštvom Bosne i Hercegovine, u prisustvu svog branioca, tako da je imao adekvatnu pravnu pomoć. Pored toga, optuženi je pred sudom nedvosmisleno potvrdio da je upoznat sa svim zakonskim posljedicama zaključenja sporazuma, koje pravne posljedice su mu i od strane suda neposredno predočene.

Da je optuženi zaista kriv za radnje i djelo koje priznaje, po ocjeni suda, proizilazi, ne samo iz njegovog priznanja, nego i iz dokaza prezentovanih od strane Tužilaštva, a na koje odbrana nije imala nikakvih prigovora, a i zbog čije snage se i sama odbrana odlučila na zaključenje sporazuma o priznanju krivnje. Ovakvu ocjenu o krivnji, sud zasniva na prezentovanoj materijalno finansijskoj dokumentaciji, a prvenstveno Izvještaju GP BiH, Centralni istražni ured Sarajevo, broj 18-08-2-04-983/07.-KU-17/07 od 19.10.2007. godine o izvršenom krivičnom djelu za lica Alibašić Salih i drugi sa priložima; Izvještaju GP BiH, Centralni istražni ured Sarajevo, broj 18-08-1-150-KU-8/07 od 25.05.2007. godine o izvršenom krivičnom djelu za lica Alibašić Salih i drugi sa priložima; Aktu Državnog odvjetništva Republike Hrvatske–Ureda za suzbijanje korupcije i organizovanog kriminaliteta broj VT-72/07 od 13.lipnja 2007. godine–Zahtjev za primjenu mjere nadzora i tehničkog snimanja telefonskih razgovora odnosno sredstava za tehničko komuniciranje na daljinu prema Mili Gašljeviću, NN osobi po imenu „Mujo“ i NN osobi sa nadimkom Čavkan; Aktu Županijskog suda u Rijeci prema istražnom centru Odjel za USKOK –Nalog za provođenje mjera nadzora i tehničkog snimanja telefonskih razgovora odnosno sredstava za tehničko komuniciranje na daljinu od 13.06.2007. godine broj VT-72/07; Aktu Državnog odvjetništva Republike Hrvatske –Ureda za suzbijanje korupcije i organizovanog kriminaliteta broj VT-72/07 od 31.srpnja 2007.

godine –Zahtjev za primjenu mjere nadzora i tehničkog snimanja telefonskih razgovora odnosno sredstava za tehničko komuniciranje na daljinu; Aktu Županijskog suda u Rijeci prema istražnom centru Odjel za USKOK–Nalog za provođenje mjera nadzora i tehničkog snimanja telefonskih razgovora odnosno sredstava za tehničko komuniciranje na daljinu –broj U-Kir-40/07; Aktu MUP RH-Policijska uprava Ličko Senjska–Odjel kriminalističke policije broj 511-04-13/2-VT-23/40-07.od 10.07.2007. godine-Zahtjev za promjenu Naloga; Aktu Županijskog suda u Rijeci prema istražnom centru Odjel za USKOK –Nalog za provođenje mjera nadzora i tehničkog snimanja telefonskih razgovora odnosno sredstava za tehničko komuniciranje na daljinu od 10.07.2007. godine; Aktu Državnog odvjetništva Republike Hrvatske–Ureda za suzbijanje korupcije i organizovanog kriminaliteta broj VT-72/07 od 07. rujna 2007. godine –Zahtjev za proširenje primjene mjere nadzora i tehničkog snimanja telefonskih razgovora odnosno sredstava za tehničko komuniciranje na daljinu; Aktu Županijskog suda u Rijeci prema istražnom centru Odjel za USKOK–Nalog za provođenje mjera nadzora i tehničkog snimanja telefonskih razgovora odnosno sredstava za tehničko komuniciranje na daljinu od 07.09.2007. godine; Transkriptima telefonskih razgovora Alibašić Saliha sa Valerijom Vlašić, Miletom Gašljevićem i drugim licima sačinjeni u R Hrvatskoj povodom provednih posebnih istražnih radnji Nadzor nad telekomunikacijama odobrenim od strane Županijskog suda Rijeka na prijedlog USKOK-a (Ureda za suzbijanje korupcije i organizovanog kriminala-Zagreb)–datum sačinjavanja transkripata 01.10.2007. godine; Izvještajima prikrivenih istražitelja broj 1 i 2, sačinjenih od strane Uprave MUP RH-Ravnateljstvo policije-Uprava krim policije-Odjel posebnih kriminalističkih poslova- sa glavnim brojem predmeta 511-01-35/1-4-VT-2/59-07.MK., sačinjenih povodom provedne posebne istražne radnje – odobrene od strane Županijskog suda Rijeka na prijedlog USKOK-a (Ureda za suzbijanje korupcije i organizovanog kriminala-Zagreb)-radnje provedene u periodu od 12.06.2007 –do kraja septembra 2007. godine; Očitanju podataka sa mobilnih telefona–Akt F MUP-a –Federalna uprava policije Sarajevo-Centar za forenziku i podršku odjeljenje za KDZ i TZ , akt broj 09-14/4-04-5-5865 od 24.12.2007. godine sa priložima uz predmetni akt –mobiteli; Analizi telefonskih listinga za brojeve koje su koristila lica iz OA „Plitvice“, akt Granične policije BiH-Centralni istražni ured broj 18-08-2-04-983/07 od 07.01.2008. godine; Potvrdi o privremenom oduzimanju predmeta od Mile Gašljevića broj 18-14-6/3-35/07 od 26.09.2007. godine; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 01.11.2007. godine; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 03.12.2007. godine sa priložima; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 14.03.2008. godine sa priložima; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 22.11.2007. godine sa

prilozima; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 30.11.2007. godine sa prilozima; Audio zapisu o telefonskim razgovorima Mile Gašljevića- CD ovjeren pečatom Županijskog suda u Rijeci, broj U-KR-40/07; Zapisniku Tužilaštva BiH o ispitivanju osumnjičenog Gašljević Mileta od 27.09.2007. i 04.12.2007. godine; Aktu Granične policije BiH, Centralnog istražnog ureda, Dopuni službenog izvještaja broj 18-08-2-04-983/07 od 13.11.2007. godine sa prilozima; Listinzima većeg broja telefonskih brojeva (akt BH telekoma br. 07.0.2.-9.24-817/1-07 od 28.09.2007. godine sa prilozima; aktu Telekom srpske br. 1-02-CT-870-2/07 od 19.10.2007. godine, sa prilozima; Telekom srpske br. 1-02-CT-842-2/07 od 19.10.2007. godine, sa prilozima; koverta sa materijalom – telefonski listinzi br. na koverti D-18344-1/07 poslato iz Mostara 07.11.2007. godine iz HT d.o.o. Mostar; koverta sa materijalom – telefonski listinzi br. na koverti poslato iz Mostara 09.11.2007. godine iz Širokog Brijega; akt BH telekoma br. 07.0.2.-9.24-864/1-07 od 19.10.2007. godine sa prilozima; akt JP HT komunikacije d.o.o. Mostar urudžbeni br. A-20015 od 18.10.2007. godine sa prilozima; aktu JP HT komunikacije d.o.o. Mostar urudžbeni br. D-18344-1/07 od 24.10.2007. godine sa prilozima; akt JP HT komunikacije d.o.o. Mostar urudžbeni br. A-16412 od 30.08.2007. godine sa prilozima; aktu BH telekoma br. 07.0.2.-9.24-724/1-07 od 27.08.2007. godine sa prilozima; akt BH telekoma br. 07.0.2.-9.24-596/1-07 od 20.06.2007. godine sa prilozima; akt JP HT komunikacije d.o.o. Mostar urudžbeni br. A-16001-1/07 od 22.08.2007. godine sa prilozima- pribavljeni naredbom Tužilaštva BiH od telekom operatera, a koji dokazi su međusobno saglasni u pogledu odlučnih činjenica i ničim nisu dovedeni u ozbiljnu sumnju. Svi ti dokazi su bili dostupni odbrani i optuženom, isti su s njima upoznati i prihvataju ih kao valjane bez ikakvih primjedbi.

Cijeneći sve navedeno, sud je utvrdio da su u cjelosti ispunjene pretpostavke propisane članom 231. stav 6. Zakona o krivičnom postupku BiH za prihvatanje zaključenog sporazuma, te je isti i prihvaćen, nakon čega je održan pretres za izricanje krivično pravne sankcije.

Nakon izjašnjenja tužioca, optuženog i njegovog branioca u vezi sa prihvatanjem sankcije predviđene sporazumom i ukazivanja na lične i porodične prilike optuženog te druge okolnosti i činjenice od značaja za visinu sankcije, sud je donio presudu kojom je optuženog oglasio krivim za krivično djelo krivično djelo organizovani kriminal iz člana 250. stav 4. Krivičnog zakona Bosne i Hercegovine u vezi sa krivičnim djelom krijumčarenje osoba iz člana 189. stav 1. Krivičnog zakona Bosne i Hercegovine, u vezi sa članom 54 KZ BiH, ocjenjujući da je optuženi isto počinio s umišljajem(da je bio svjestan djela i htio njegovo izvršenje) i u stanju uračunljivosti.

Odlučujući o predloženoj krivičnopravnoj sankciji, Sud je kao olakšavajuće okolnosti kod optuženog ocijenio: priznanje da je izvršio krivično djelo koje mu se stavlja na teret, što je i rezultiralo zaključivanjem sporazuma o priznanju

krivnje sa Tužilaštvom Bosne i Hercegovine, koja činjenica je doprinijela bržem i efikasnijem okončanju krivičnog postupka i smanjenju troškova, te njegovo korektno držanje pred Sudom, a osobito njegovu spremnost da svjedoči pred sudom BiH o svim činjenicama i okolnostima koje su njemu poznate u ovom predmetu. Sud je takođe kod optuženog kao olakšavajuću okolnost cijenio i njegove lične prilike, odnosno činjenicu da se radi o osobi koja brine i izdržava bolesnu majku, kao i to da je niskog stepena obrazovanja (osam razreda osnovne škole) i bavi se zemljoradnjom, dok je od otežavajućih okolnosti na strani optuženog Sud cijenio njegovu raniju višestruku osuđivanost, koju ni on ne osporava a koja proizlazi i iz dostavljenih dokaza Tužilaštva – izvoda iz kaznene evidencije PU Bihać.

Cijeneći sve naprijed navedeno, Sud je ocijenio da je izrečena krivičnopravna sankcija adekvatna učinjenom djelu i stepenu krivične odgovornosti optuženog, te da će se istom ostvariti svrha krivičnopravnih sankcija, kako prema optuženom, tako i prema ostalim potencijalnim počiniocima krivičnih djela, da ubuduće ne čine krivična djela, koja svrha je propisana članom 39. Krivičnog zakona BiH.

Na osnovu člana 56. KZ BiH u izrečenu zatvorsku kaznu optuženom Miletu Gašljeviću, uračunava se vrijeme koje je proveo u pritvoru od 26.09.2007. godine, po rješenju Suda BiH broj:X-KRN-07/436 od 28.09.2007. godine, pa nadalje.

Na osnovu člana 188. stav 4. ZKP BiH, Sud je optuženog Mileta Gašljevića oslobodio plaćanja troškova krivičnog postupka, koji padaju na teret budžetskih sredstava. Prilikom donošenja odluke o troškovima, Sud je imao u vidu loše imovno stanje optuženog, a o čemu je takođe postojala saglasnost stranaka, tako da bi plaćanjem troškova postupka bila vrlo otežana materijalna situacija kako njega samog, tako i njegove bolesne majke.

Zapisničar:

Bojan Avramović

PREDSJEDNIK VIJEĆA

SUDIJA

Mirza Jusufović

POUKA O PRAVNOM LIJEKU: *Protiv ove presude nije dozvoljena žalba na izrečenu krivičnopravnu sankciju, s obzirom na potpisani sporazum o uslovima priznanja krivnje (član 231. ZKP BiH). Iz drugih razloga propisanih Zakonom o krivičnom postupku, žalba na ovu presudu može se podnijeti u roku od 15 dana od dana dostavljanja prijepisa presude.*